

a. 1700
(1602)
d. 21
B. 21

Decretum de Gratiis Collegio rependendis.

QUUM per hosce Quadraginta & Sex Annos quibus (summa Deo laus) viguit haec Collegium hoc *Sanctæ & Individuæ Trinitatis* intra Universitatem *Oxoniensem*, rarius & lentius sit obsecundatum monitioni Venerabilis Fundatoris nostri, in quâ suadet, ut ubi promotiones sublimiores affecti fuerint alumni ipsius, velint cum benevolentia memores esse Collegii, eique, munere aliquo collato, gratias rependere; convocatis per Præsidentem in suum Cubiculum omnibus Sociis, Die Duodecimo *Decembris*, Anno Millesimo Sexcentesimo Secundo, & matura ibidem habita deliberatione, decretum est unanimi omnium consensu, ad hunc qui sequitur modum.

I. *Imprimis*, Si quis Scholarium, aut Sociorum Patrimonium, hæreditatem, feodumve seculare, aut annuam pensionem ad valorem communibus annis centum solidorum, affectus fuerit: tunc intra tres annos à tempore affectationis hujusmodi continuè sequentes, conferet Collegii Gazophylacio ad ipsius publicos & necessarios sumptus levandos, Viginti Solidos.

Sin attigerit hujusmodi Patrimonium, hæreditas, feodumve seculare, aut annua pensio communibus annis ad valorem decem Librarum, conferet similiter quadraginta Solidos. Sin valorem Quindecim Librarum, Sexaginta, & sic deinceps, prout multiplicavit Socio aut Scholari cuiquam semen-tem Deus, ita ipse augeat fructus justitiæ suæ.

II. Deinde si quis Scholarium aut Sociorum, beneficium Ecclesiasticum cum curâ, vel sine curâ, cujus annui fructus Octo Librarum valorem, (si in eodem resideat personaliter) excedunt, adeptus fuerit: tunc intra quatuor annos continuè sequentes conferet Collegii Gazophylacio Viginti Solidos. Sin sedecim Librarum valorem fructus annui exceßerint, conferet Similiter Quadraginta Solidos; & sic deinceps: prout benigne messuit, ita benigne ferat Matri suæ.

III. Demum si quis Scholarium aut Sociorum quovis alio modo ex divina largitate copias ubiores nactus fuerit, adeo ut omnibus debitis exolutis posset enumerare de proprio in bonis, juri-bus, five creditis, Centum Libras, teneatur (si neutro antedictorum modorum gratum sese antea præstiterit) in testamento suo condendo matris suæ esse memor, curetque ei delegare quinque au-reos ab Hæredibus, aut Administratoribus suis, intra Duos annos post diem obitus sui persolven-dos Collegio. Sin numeraverit ducentas Libras, solvat decem aureos, & sic deinceps.

IV. Ad hæc præstanda teneatur quilibet Scholaris, tum qui dehinc eligetur & admittetur Scho-laris in hoc Collegio, tum qui jam in numero Scholarium existens, in verum & perpetuum Socium aliquando admitti possit.

Huncque ad finem in juramento ipsorum hæc clausula adjiciatur, *Nec non Decretum illud de Gra-tiis huic Collegio rependendis factum per unanimem Præsidentis & Sociorum consensum Anno Millesimo Sexcentesimo Secundo, Per omnia adimplebo.*

V. Sit in *Gazophylacio* in Cista repositum Registrum, in quo singulis annis ad finem generalis com-puti scribantur singulæ summæ quas anno proxime elapso recepit Collegium: ubi etiam consignabitur nomen, & status, & conditio cujusque Scholaris & Socii qui tali munere Collegium donaverit. In cujus rei testimonium prædicti Præsidentis & Socii omnes subscripserunt, Anno, Die, & Loco supra dictis.

R. Kettle, *Præsidentis.*
Joh. Bowman, *Vice-Præs.*
Robert. Avis, *Burs.*
Franciscus Field.
Hug. Gurgeny.
Henr. Sleymaker, *Burs.*
Gualterus Moore, *Decan.*
Guliel. Hollins.
Joh. Blitheman, *Lector Rhetor.*
Guliel. White.
Richard. Knight.
Thomas Seller, *Lector Philosoph.*